

不空摩尼供養 真言品

唐南天竺三藏法師菩提流志奉 詔譯



南無本師釋迦牟尼佛

說明

本繁體校正版《不空摩尼供養真言品》電子書，根據《乾隆大藏經》大乘五大部外重譯經，第 0313 部，唐南天竺三藏法師菩提流志奉詔譯《不空羅索神變真言經》卷第二十九原藏影印本校正，句讀僅供參考。

本電子書是免費結緣品，特此說明。

仁慧草堂

二〇一九年五月



掃碼關注仁慧草堂微信公眾號

●起誦儀

香讚

(一編)

爐香乍爇. 法界蒙薰. 諸佛海會悉遙聞. 隨處結
祥雲. 誠意方殷. 諸佛現全身.

南無香雲蓋菩薩摩訶薩 (合掌三稱)

淨口業真言

(三編)

唵. 修唎. 修唎. 摩訶修唎. 修修唎. 薩婆訶.

淨三業真言

(三編)

唵. 娑嚩. 婆嚩秫馱. 娑嚩達摩娑嚩. 婆嚩秫度憾.

安土地真言

(三編)

南無三滿多. 母馱喃. 唵. 度嚕度嚕. 地尾. 娑婆訶

普供養真言

(三編)

唵. 誚誚曩. 三婆嚩. 禳日囉斛.

南無本師釋迦牟尼佛（合掌三稱）

開經偈

（一編）

無上甚深微妙法 百千萬劫難遭遇
我今見聞得受持 願解如來真實義

不空罽索神變真言經卷第二十九

唐南天竺三藏法師菩提流志奉 詔譯¹

不空摩尼供養真言品第七十

爾時，清淨蓮華明王授斯廣大神通一切大曼拏羅印三昧耶已，合掌恭敬，繞佛三匝，前禮雙足，還坐本座，合掌瞻仰觀世音菩薩摩訶薩，念言：“尊者！何不與我不空供養一切如來摩尼金剛灌頂曼拏羅神通三昧耶？”

爾時，觀世音菩薩摩訶薩見是廣大神通一切大曼拏羅印三昧耶神變威德，滿十方刹一時出現，授清淨蓮華明王已，即說不空摩尼供養真言曰：

唵^{喉中擡聲引呼一}旃^{上聲}暮伽^二布惹麼拏^二鉢頭^{二合}摩^二跋駟^三嚩^三鞞訖^四踰^四弭盧枳諦^五縵漫多^{上聲}跋^三囉^{二合}縵囉^六鉢^七

爾時，觀世音菩薩摩訶薩演斯真言時，於虛空中，一時顯現無量無邊種種神通廣大威德，一切天諸供養之物，一切不空如來種種廣大神通真言明王大曼拏羅神變莊嚴三昧耶，亦皆出現；授

¹ 大正藏：大唐天竺三藏菩提流志譯

² 大正藏：麼；永樂北藏及龍藏：摩

³ 大正藏：跋；永樂北藏及龍藏：跋

與清淨蓮華明王大曼拏羅印三昧耶中，盡顯現之，量等十方一切佛刹。鬘鬘彌雨不可說曼陀羅華、摩訶曼陀羅華、曼殊沙華、摩訶曼殊沙華、鉢頭摩華、拘物頭華、奔拏李迦華、宮殿樓閣、種種臺榭、華冠瓔珞、一切莊嚴具海雲；雨不可說種種七寶眾華、宮殿樓閣、種種臺榭、華冠瓔珞、一切莊嚴具海雲；雨不可說娑羅寶華、瞻蔔迦寶華、阿底木多迦寶華、榆禰迦寶華、蘇曼那寶華、宮殿樓閣、種種臺榭、華冠瓔珞、一切莊嚴具海雲；雨不可說水陸山林一切種華、宮殿樓閣、種種臺榭、華冠瓔珞、一切莊嚴具海雲；雨不可說種種國土一切寶飾衣服色相海雲；雨不可說種種七寶，頭冠、瓔珞、釵璫、環釧海雲；雨不可說種種刹土，一切天諸雜寶衣服，宮殿樓閣、種種臺榭、海雲；雨不可說一切色相迦詩迦衣服，宮殿樓閣、種種臺榭海雲；雨不可說種種色相繒帛衣服，宮殿樓閣、種種臺榭海雲；雨不可說種種七寶妙莊嚴具海雲；雨不可說金繩七寶間雜瓔珞莊飾海雲；雨不可說金縷袈裟衣服海雲；雨不可說半滿月色光衣服、日初出色光衣服、吠瑠璃色光衣服、紺瑠璃色光衣服及種種色光衣服海雲；雨不可說種種牛頭栴檀香、沉水香、一切天諸塗

香末香及無量億種香海雲；雨不可說寶幢、幡蓋、真珠、網縵、眾寶、鈴鐸海雲；雨不可說蘇⁴合香油燈樹、瞻蔔迦香油燈樹、優曼那香油燈樹、蘇曼那香油燈樹、阿底木多迦香油燈樹、沉水香油燈樹、白栴檀香油燈樹及種種香油燈樹海雲；雨不可說一切天諸甘露百味飲食海雲；雨不可說一切諸天種種音樂歌詠讚唄海雲。如是不可說種種供養一切色相莊嚴海雲，皆具無量光明色相，種種莊嚴甚可愛樂，溥雨十方一切刹土一切如來種種種⁵族祕密曼拏羅會及諸所有轉法輪會，廣大供養一切諸佛、一切菩薩摩訶薩會，一切執金剛菩薩摩訶薩、一切天神、一切真言明神、一切使神皆作無量無邊周匝供養海雲。

爾時，觀世音菩薩摩訶薩謂執金剛祕密主菩薩摩訶薩言：“此摩尼供養真言，若常晨朝法瑜伽觀，觀自在相，誦持供養，滿千萬遍不間廢者，長得如是⁶不可說一切供養海雲廣大功德。如是真言，具有種種神通，如摩尼樹能出無量種種最勝上物海雲，常無斷盡。如是真言，是觀世音菩薩摩訶薩心神通力大幻化三昧耶，加被出現，與

⁴ 大正藏：酥；永樂北藏及龍藏：蘇

⁵ 大正藏：種；永樂北藏及龍藏：種種種

⁶ 大正藏：法；永樂北藏及龍藏：是

真言者不思議界最勝福聚，作大父母拔眾苦際，滿諸意願，除諸厭蠱、呪詛厄難，一切吉祥福德勝願日日增長；警覺十方一切諸佛菩薩摩訶薩眾，安慰十方一切菩薩摩訶薩等；召集一切曼拏羅天神，示現一切如來祕密曼拏羅印三昧耶；召集一切天龍八部、種種神鬼，摧伏一切藥叉、羅刹、毗那夜迦，除諸有情種種怖懼，得大解脫為歸依處。持此真言者，不齋與齋，無梵行者與持梵行，不清淨者與等清淨，不依法者與等依法，不寂靜者與等寂靜，不行正法與行正法，不安隱者與得安隱，貧者與寶，裸者與衣，飢者與食，渴者與飲，失道者與道短命者與等長命，眼未淨者與於眼淨，聾者與聽，憂惱者與除憂惱，失念者與於正念，樂惡法者與於善法，不修布施與得布施，不修淨戒與得淨戒，不修忍辱與得忍辱，不修精進與得精進，不修靜慮與得靜慮，不修般若與得般若，未授三昧耶與授三昧耶，未授手印與授手印，未得真言明與得真言明，住邪道者得住正道，無菩提善根與菩提善根，未越生死大海與越生死大海，住黑闇障與破黑闇障，垢障纏者與解垢障，有無間業與破無間業，未得涅槃與於⁷涅槃，未

⁷ 大正藏：得大；永樂北藏及龍藏：與於

得受記與於受記，未獲善夢與得善夢，癩疾得除病者得差，不調柔者與於調柔，種族未集會者與等集會，無光明者與等光明，失國位者與等國位，有怨念者令發慈心，多婬欲者與除婬欲，多瞋恚者與除瞋恚，為他輕賤與得尊敬，未遇佛菩薩與遇佛菩薩，未聞正法與聞正法，不樂恭敬供養得樂恭敬供養，不具六根等具六根，未見佛菩薩與見佛菩薩，一切天神不攝受者與得一切天神攝受執金剛祕密主菩薩摩訶薩。如是獲大無邊功德者，皆是不空摩尼供養真言。是觀世音菩薩摩訶薩，為當利益一切有情，說此摩尼供養真言，廣雨種種寶色海雲，供養十方一切刹土一切諸佛、菩薩摩訶薩種種種族曼拏羅三昧耶會，恒一切處示現三世一切如來最勝祕密曼拏羅印三昧耶、種種神變一切悉地三昧耶，作大供養。

不空摩尼供養真言品第七十

● 結誦儀

不空摩尼供養真言

【梵音版】

Om amogha pūja mani padma vajre
 唵 阿摩嘎 步加 嘛呢 吧得嘛 哇佳嘞
 tathāgata vilokite samanta prasara hum
 吽他嘎吽 微罗给得 撒漫吽 波啦撒啦 轰

【藏音版】

ong a mu ga bo za ma na banmeiban za re da ta ga
 唵 阿姆嘎 波匝玛那 班美班匝热 达塔嘎
 da bo luo ge di sanman da zha sa re hong
 答 波罗各帝 三曼达 札萨热 吽

【漢音版】

ǎn 喉中擡聲 一 旃 暮 伽 上聲 布 惹 麼 拏 二 鉢 頭 二 合 摩 跋 馱 隸
 唵 引 呼 一 旃 暮 伽 上聲 布 惹 麼 拏 二 鉢 頭 二 合 摩 跋 馱 隸
 三 duǒ tuó yé duō 四 mǐ lú zhǐ dì 五 suǒ màn duō 上聲 跋 囉 二 合 綫 囉 六 併
 三 彈 訖 誡 路 四 弭 盧 枳 諦 五 綫 漫 多 上聲 跋 囉 二 合 綫 囉 六 併

七

補闕真言

(三編)

南無喝囉怛那. 哆囉夜耶. 佉囉佉囉. 俱住俱住.
 摩囉摩囉. 虎囉. 吽. 賀賀. 蘇怛那. 吽. 潑抹拏. 娑
 婆訶.

補闕圓滿真言

(三編)

唵. 呼嚧呼嚧. 社曳穆契. 莎訶

普回向真言

(三編)

唵. 娑麼囉. 娑麼囉. 弭麼曩. 薩嚩訶. 摩訶斫迦囉
嚩吽

觀音菩薩讚

(一編)

觀音大士，悉號圓通，十二大願誓弘深，苦海渡
迷津，救苦尋聲，無刹不現身。

觀音菩薩妙難酬	清淨莊嚴累劫修
三十二應徧塵刹	百千萬劫化閻浮
瓶中甘露常徧灑	手內楊枝不計秋
千處祈求千處應	苦海常作度人舟

南無普陀琉璃世界. 大慈大悲. 觀世音菩
薩 (一稱)

南無觀世音菩薩摩訶薩 (合掌三稱)

禮觀音文

(一編)

清淨三業，一心五體投地，歸依南無十方慈父廣大靈感觀世音菩薩。

我聞菩薩，從聞思修，入三摩地。得二隨順，四不思議，十四無畏，十九說法，七難二求，三十二應，無量功德，興大威力，發大誓願，同流九界，六道四生，生死趣中，興百千萬億無量恒河沙劫數，善行方便，救度拔濟一切眾生，無有休息。我今哀求，必賜加被。

伏念(某甲)夙生慶幸，得遇佛乘，身苦塵緣，心多散亂(若出家者改為)身雖出家，心不染道；愚癡邪見，諸根昏塞。內外經書，雖于習學，章句妙理，無所通曉。又恐福力淺薄，壽命不長，徒得人身(若出家者改為)徒入空門，虛生浪死。我今洗心泣血，稽顙投誠，終日竟夜，存想聖容，受持聖號，禮拜聖像。惟願菩薩，天耳聞聲，悲心救苦，憐愍加被，放大神光，照我身心，傾大甘露，灌我頂門。蕩滌累世怨愆，洗潔千生罪垢。身心清淨，魔障消除。晝夜之間，坐臥之中，觀見菩薩，放大神光，開我慧性，使我(某甲)，即時神通朗發，

智慧聰明。一切經書，自然記憶。一切義理，自然通曉。得大辯才，得大智慧，得大壽命，得大安樂。參禪學道，無諸魔障，悟無生忍。世世生生，行菩薩道。四恩總報，三有齊資。法界眾生，同圓種智。

迴向偈

(一編)

願以此功德 莊嚴佛淨土
上報四重恩 下濟三途苦
若有見聞者 悉發菩提心
盡此一報身 同生極樂國

三皈依

(一編)

自皈依佛，當願眾生，體解大道，發無上心；
自皈依法，當願眾生，深入經藏，智慧如海；
自皈依僧，當願眾生，統理大眾，一切無礙。和南聖眾。

南无护法韦驮尊天菩萨



此咒置經書中可滅誤跨之罪